

## 原始佛教中

# 有關十二因緣的釋義

熙如輯錄

### 小言

一九八二年春，與中道學會同人，研討因緣法，兼及四阿含經、六足論中有關「緣起法」的經典。發現與今時流行的「法界緣起」、「阿賴耶緣起」、「如來藏緣起」諸說，大相逕庭，甚至被指為小乘的「業感緣起」，亦頗有出入。特別是名相的理解，與古說迥異。爲了研究方便，爰輯錄四阿含經、法蘊是論，阿毘曇論等原始經論中之有關十二緣說義者，裒集成冊，分贈會衆，共同研究。

近來頗有讀友來信論及十二緣名相、「緣起法」、「緣已生法」者，除已分別作覆外，爲將此十二緣義說，刊諸內明，以供同道研究緣起法時之參考。

### 「緣起」、「緣已生法」

爾時世尊，告苾芻衆，吾當爲汝，宣說「起」、「緣已生法」。汝應諦聽，極善作意。云何緣起？謂依此有故彼有，此生

故彼生。謂無明緣行，行緣識，識緣名色，名色緣六處，六處緣觸，觸緣受，受緣愛，愛緣取，取緣有，有緣生，生緣老死，發  
生愁嘆苦憂擾惱，如是便集純大苦蘊。苾芻當知。生緣老死，若  
佛出世，若不出世，如是緣起，法住法界，一切如來自通達，  
等覺宣說，施設建立，令其顯了，謂生緣老死，如是乃至無明緣  
行，應知亦爾，此中所有法性、法定、法理、法趣，是真是實，  
是諦是如，非妄非虛，非倒非異，是名緣起。云何名爲緣已生  
法？謂無明、行、識、名色、六處、觸、受、愛、取、有、生、  
老、死，如是名爲緣已生法。苾芻當知，老死是無常，是有爲所  
造作，是緣已生，盡法、沒法、離法、滅法，生、有、取、愛、  
受、觸、六處、名色、識、行、無名亦爾。苾芻當知，我諸多聞  
聖弟子，於此緣起、緣已生法，能以正慧，如實善見，善知善  
了，善思惟，善通達，不依前際而起愚惑，謂我於過去世，爲曾  
有非有，何等我曾有，云何我曾有。不依後際而起愚惑，謂我於  
未來世，爲當有非有，何等我當有，云何我當有。亦不依內而起  
愚惑，謂何等是我此我，云何我誰所有，我當有誰，今此有情，  
從何而來，於此處沒，當住何所，彼如是知如是見故，所有世



間，各別見趣，謂我論相應，有情論相應，命者論相應，吉凶論相應，瑩飾防護，執爲己有，有苦有礙，有災有熱，彼於爾時，得斷遍知，爲斷樹根及多羅頂，無復勢力，後永不生，所以者何，謂我多聞賢聖弟子，於此緣起、緣已生法，能以正慧，如實善見善知善了，善思惟，善通達故。……此中緣起、緣已生法，其體雖一，而義有異，謂或有緣起非緣已生法，或有緣已生法非緣起，或有緣起亦緣已生法，或有非緣起亦非緣已生法。或有緣起非緣已生法者，無也。或有緣已生法非緣起者，謂無明、行、識、名色、六處、觸、受、愛、取、有、生、老、死。或有緣起亦緣已生法者，謂生定能生於老死，如是生支，定能爲緣，是緣起性，及緣已生法性。如有有、取、愛、受、觸、六處、名色、識、行、無明，應知亦爾。非緣起非緣已生法者，謂除前相。又生緣老死者，謂此生支，雖異生異滅，而緣起理，恒時決定，若過去生非老死緣者，應未來生亦非老死緣，若未來生非老死緣者，應過去生亦非老死緣，若過去生非老死緣者，應現在生亦非老死緣，若現在生非老死緣者，應未來生亦非老死緣，若佛出世時，生非老死緣者，應佛不出世時，生亦非老死緣，若佛不出世時，生非老死緣者，應佛出世時，生亦非老死緣，若緣起理有顛倒者，應成二分，不決定故，應可破壞，理無雜故，若爾不應施設緣起，佛不應說生緣老死。然佛所說生緣老死，理趣決定，去來今世，有佛無佛，曾無改轉，法性恒然，不隱不沒，不傾不動，其理湛然，前聖後聖，同所遊履，是真是實，是諦是如，非妄非虛，非倒非異，是故佛說，生緣老死，如是有、取、愛、受、觸、六處、名色、識、行、無明緣行亦爾。」（阿毘達磨法蘊是論第十一緣起品）

「云何緣？如佛告比丘，我當說緣緣生法。云何緣？無明緣行，若佛出世若不出世，法住法界，住彼法界，如來正覺正解

# 內明

## 第二〇八期 目錄

### 特稿

原始佛教中

有關十二因緣的釋義……………熙如輯錄……………3

華僑與菲律賓寶佛教……………許國棟……………14

佛教「無我」與

莊子「無己」之比較分析……………靜華……………20

### 筆譚

談佛說貪圖利養之害……………智銘……………25

### 專稿

各種漢譯維摩經之比較研究……………劉楚華……………27

### 法海拾貝

禪宗門下的楞伽師……………蔡惠明……………38

### 佛教文藝

虛雲和尚（續）……………馮馮……………42

訃告…………………………46

### 畫頁

封面：五台山南禪寺唐代木構大殿及唐塑佛像

面裏：南禪寺唐塑菩薩像

底裏：南禪寺唐塑金剛像及菩薩像

封底：南禪寺唐代木構大殿外貌

已，演說開示，分別顯現，說無明緣行，乃至生緣老死，若如此法，如爾非不如爾。不異不異物，常法實法，法住法定，如是緣，是名緣。云何緣生法？老死無常有為緣生盡法、變異法、離欲法、滅法，乃至無明無常有為緣生法、盡法、變異法、離欲法，是名緣生法。云何緣方便？若彼緣、若此緣生法，若見解脫方便，是名緣方便。比丘，齊幾名善緣方便？彼緣此緣生法，如實知、如實見，齊是名為善緣方便。（舍利弗阿毘曇論第十二非問分緣品第五）

### 無明·無明緣行

「彼云何無明？若不知前際，不知後際，不知前後際，不知於內，不知於外，不知內外，不知業，不知報，不知業報，不知佛，不知法，不知僧，不知苦，不知集，不知滅，不知道，不知因，不知因所起法，不知善、不善，有罪、無罪，習、不習，若劣、若勝，染污、清淨，分別緣起，皆悉不知。於六觸入處，不如實覺知，於彼彼不知不見，無無問等，痴闇無明大冥，是名無明。」（什阿含經卷十二，法說義說經。阿毘達磨法蘊見論第十一，說無明亦類此。）

「云何無明緣行？謂世尊說，苾芻當知，無明為因，無明為緣，故貪憤痴起，此貪鄙痴性，是名無明緣行。復次，如世尊說，苾芻當知，無明為前行，無明為標幟，故起無量種惡不善法，謂無慚無愧等。由無慚無愧故起諸邪見，由邪見故起邪思惟，由邪思惟起邪語，由邪語故起邪命，由邪命故起邪勤，由邪勤故起邪念，由邪念故起邪定。此邪見、邪思惟、邪語、邪業、邪命、邪勤、邪念、邪定，是名無明緣行。復次，如世尊說，苾芻當知，起無量種惡不善法，一切皆以無明為根，無明為集，是

無明類，從無明生，墮無明趣者，不如實知善不善法、有罪無罪法、應修不應修法、下劣、勝妙法、黑白法，有敵對法、緣生諸法，不如實知此諸法故，便起邪見、邪思惟、乃至邪念、邪定。是名無明緣行。復次，豈喻經中佛作是說，無明為緣，造福、非福及不動行。云何福行？謂有漏善身業、語業、心所法、不相應行，如是諸行，長夜能招可愛、可樂、可欣、可意諸異熟果，此果名福。以是福業異熟果，故名福行。云何非福行？謂諸不善身業、語業，心心所法，不相應行，如是諸行，長夜能招不可愛、不可樂、不可欣、不可意諸異熟果，此果名非福，亦名非福果，是非福業異熟果故，是名非福行。云何不動行？謂四無色定，諸有漏善，是名不動行。……如是諸行，無明為緣，無名為依，無明為建立，故起等起、生等生、聚集出現，故名無明緣行。」（阿毘達磨法蘊見論第十一）

「無明緣現世行，起行以行故，亦緣未來行。……如佛說，阿難，行有緣，行何緣？無明緣，阿難，若無無明者有行不？世尊，無也。阿難，以因諸緣故行，若無明緣行，如向所說。」（舍利弗阿毘曇論第十二）

### 行·行緣識

「於色見是我，若見我者，是名為行。……不離我慢者，而復見我，見我者，即是行。」（雜阿含經卷二觀察諸陰經）

「此中意是內有為行，法為外緣生意識。」（法蘊見論第十一）

「緣無明故有行，若復問言：誰是行？行屬誰？彼則答言：行則是我、行是我所。……離此二邊，正向中道……若無明離欲而生明，彼誰老死？老死屬誰？乃至誰行？行屬誰？行則斷。」（雜

「諸行如幻如燄，剎那時頃盡朽，不實來實去，是故比丘，於空諸行，當知，當喜、當念空諸行，常恆住不變易法，空無我，我所。……比丘於一切空行心觀察，歡喜於空行，常恆住不變易法，空我、我所。」（雜阿含經卷十一「合手聲譬經」）

熙如按：我以情計而有，情計即是行，故情計之行，即是我行。故謂見我者即是行。行空則我、我所空，我空則行空，行空則十二因緣皆空。

「云何行緣識，謂有一類貪瞋痴俱生思為緣，故起貪瞋痴俱生諸識。是名行緣識。復有一類無貪瞋痴俱生思為緣。故起無貪瞋痴俱生諸識。是名行緣識。復次，眼及色為緣生眼識，此中眼是內有為行，色為外緣生眼識，是名行緣識，乃至意及法為緣生意識，此中意是內有為行，法為外緣生意識，是名行緣識。復次，登喻經中佛作是說，造福、非福、不動行已，有隨福、非福、不動識。云何造非福行已，有隨非福識？謂有一類由貪瞋痴纏縛心故，造身語意三種惡行，此三惡行，名非福行，由此因緣，身壞命終，墮於地獄，於彼起識，是名造非福行已有隨非福識。如說地獄、傍生、鬼界，應知亦爾。云何造福行已有隨福識？謂有一類，於人趣樂，繫心希求，彼作是念，願我當生人趣同分，與諸人眾同受快樂，因此希求，造能感人趣身語意妙行，名福行，由此因緣，身壞命終，生於人趣，於彼起識，是名造福行已有隨福識。有不繫心希求人樂，但由無明蔽動心故，造身語意三種妙行，此之妙行，名為福行，由此因緣，身壞命終，生於人趣，於彼起識，是名造福行已有隨福識，如說人趣，四大王衆天，乃至他化自在天，亦知應爾。復有一類，於梵衆天繫心希

求，彼作是念，願我生梵衆天中，因此希求，勤修加行，離欲惡不善法，有尋有問，離生喜樂，初靜慮具足住。於此定中，諸身律儀，語律儀，命清淨，名為福行，由此因緣，身壞命終，生梵衆天衆同分中，於彼起識，是名造福行已有隨福識，有不繫心希求生彼，但由無明蔽動心故，勤修加行，離欲惡不善法乃至命清淨，名為福行，由此因緣，身壞命終，生梵衆天衆同分中，是名造福行已有隨福識。如說梵衆天、梵輔天乃至無想天，應知亦爾。云何造不動行已，有隨不動識？謂有一類，於空無邊處天，繫心希求，彼作是念，願我論生空無邊處天衆同分中，因此希求勤修加行，超諸色想，滅有對想，不思惟種種想，入無邊空空無邊處具是住，於此空中，諸思等思、現前等思、已思、當思、思性思類，造心意業，名不動行。由此因緣，身壞命終，生空無邊處天衆同分中，於彼起識，是名造不動行已有隨不動識，如說空無邊處天乃至非想非非想天，應知亦爾。如是諸識行為緣，行為依、行為建立、故起等起、生等生、聚集出現，故名行緣識。」（法蘊是論第十一）

「云何行緣識？有緣共欲思生共欲識，為是緣現在行生現在識，名行緣現在識。有共瞋恚、有共愚痴、無共欲、無共瞋恚、無共愚痴，善不善有緣無記思，有生無記識，如是緣現在行生現在識，是名行緣現在識。緣眼緣色生識，彼眼行，色行若緣識，如是緣現在行生現在識，是為現在行生現在識，耳、鼻、舌、身緣意緣法生識，彼意行法行若緣識，如是緣現在行生現在識。復次，若人無慧無明未斷，起不善身行、不善口行、不善意行，作不善行已，身壞命終，墮地獄、畜生、餓鬼，以因諸緣故，生地獄、畜生、餓鬼，初識以業因諸集緣，生眼識乃至意識及後了識，如是緣現在行生未來識，是為行緣未來識。復次，若人無慧者明未斷，作有漏身善行，當受欲界生，作有漏口意善行，當受

欲界生，作善行已，身壞命終，若生人中，若生欲界天，以因諸緣故，若生人中，若生欲界六天，初識以業因諸集緣，生眼識乃至意識，及後了識，如是緣現在行生未來識……（餘與法蘊是論類同）……此最後識滅，初識續餘道生，無有中間，喻如影移日續，日移影續，影之與日，無有中間。……最後識滅已，即受初識，無有中間，若最初識，若最後識相應法不至後識，喻如眼識，滅已生耳識，耳識滅已生眼識，眼識相應法，不至耳識，耳識相應法不至眼識，如是最後識，最後識相應法不至初識，初識相應法，不至後識，後識滅已即生初識，謂此時過，謂此滅彼生，謂在終彼始，非彼命彼身，非異命異生，非常非斷，非去非來，非無因、非無作、非此作此受，非異作異受，知有去來，知有生有死，知有業相續，知有說法，知有緣，無有從此至彼者，無有從彼至此者。何以故？業緣相續生。如佛說：阿難，識有緣，識有何緣？行緣，阿難若無行者，當有識不？世尊，無也。以是阿難，此因諸緣識，若行緣識。」（舍利弗阿毘曇論第十二）

### 識·識緣名色

「時我復生此念，此識最爲原首……無明起則行起，行所造者，復由於識，我今已明於識，今與四部之衆，而說此本，皆當知此本原所起。」（增一阿含經卷卅一）

「爾時世尊，告諸比丘，若思量、若妄想生，彼使攀緣識住，有攀緣識住故，有未來世生老病死憂悲惱苦，如是純大苦聚集，若不思量、不妄想，無使無攀緣識住，無攀緣識住故，於未來世生老病死憂悲惱苦滅，如是純大苦聚滅。」（雜阿含經卷十四）

「比丘問：此身四大，地、水、火、風，何由永滅？問四天王乃至梵天，均不能答，還問世尊，即爲說偈：

何由無四大 地水火風滅 何由無粗細 及長短好醜 何由無名色 永滅無有餘 應答識無形 無量自有光 此滅六亦滅 粗細好醜滅 於此名色滅 識滅餘亦滅」（長阿含經堅固經第五）

「云何識緣名色？謂有一類，貪瞋痴俱生識爲緣故，起貪瞋痴俱生身業語業，名爲色，即彼所生受想行識，名爲名，是名識緣名色。復有一類，無貪、無瞋、無痴俱生識爲緣故，起無貪、無瞋、無痴俱生身業、語業、名爲色，即彼所生受想行識，名爲名，是名識緣名色。復次，教誨那地迦經中，佛作是說，若那地迦所親愛友，變壞離散，便生愁嘆苦憂擾惱，此愁俱生識爲緣故，起愁俱生身業語業，名爲色，即彼所生受想行識，名爲名，是名識緣名色。復次，教誨頗勒婁那經中，佛作是說，頗勒婁那識爲食故，後有生起，此識云何？謂健達縛最後心，心意識增長堅住、未斷、未遍知、未滅、未變吐、此識無間，於母胎中與羯刺藍身體和合，名爲色，即彼所生受想行識，名爲名，是名識緣名色……復次，大因緣經中，尊者喜慶（即阿難）問佛，名色爲有緣不？佛言有緣，此緣謂識，佛告喜慶，識若不入母胎藏者，名色得成羯刺藍不？阿難陀曰，不也，世尊，識若不入母胎藏者，名色得生此界中不？不也，世尊。識若初時已斷壞者，後時名色得增長不？不也，世尊。識若無全可施設者，有名色不？不也，世尊。是故慶喜，一切名色皆識爲緣，是名識緣名色，如是名色，識爲緣、識爲依、識爲建立、故起等起、生等生，聚集出現，故名識緣名色。」（法蘊是論第十一）



「云何識緣名色？有緣共欲識生，有欲身業生，有欲口業生，有欲意業生，共有欲身業口業是謂色，共有欲意業，由意生受想思能思惟謂名，如是現在識生現在名色，是名識緣現在名色。……復次，若人無慧無明未斷，作不善識，彼作不善識已，身壞命終，墮地獄、畜生、餓鬼，以因諸緣故，生地獄、畜生、餓鬼名色，四大、四大所造色。是色，由意生受想思能思惟謂名，是名緣現在識生未來名色，是為識緣未來名色。……（人中，欲界天上等應知亦爾）……如佛說，名色何緣？識緣名色，阿難，識不入胎有名色不？世尊，無也。阿難，識入胎不出，有色色集不？世尊，無也。若嬰兒識斷壞非有，彼有名色增長廣大不？世尊，無也。阿難，無一切識者，有名色不？世尊，無也。以是阿難，以因諸緣名色，阿難，若識緣名色，如向所說，以是故說。」（舍利弗阿毘曇論第十二）

### 名色·名色緣識

「云何名色緣識？謂眼、色為緣生眼識，此中眼及色，名為色，即彼所生受想行識，名為名，於中作意等，能助生眼識，是名名色緣識，乃至意法為緣生意識，此中諸意識所了色，名為色，即彼所生受想行識，名為名，於中作意等，能助生意識，是名名色緣識。復次，教誨頗勒婁那經中，佛作是說，頗勒婁那識為食故，後有生起，……此羯刺藍身體和合，名為色，即彼所生受想行識，名為名，爾時非理作意俱生名色為緣，起俱生識，是名名色緣識……復有一類，由貪瞋痴纏縛心故，造身、語、意三種惡行，此中身、語惡行，名為色，意惡行，名為名，由此惡行名色為緣，身壞命終，墮於地獄，於彼起識，是名名色緣識，如說地獄，傍生、鬼界，應知亦爾。……復次，大因緣經中，尊者慶喜問佛，諸識有緣不？佛言有緣，此謂名色。佛告慶喜，若無

名色，諸識轉不？不，世尊。若無名色為所依止，後世所受生老死識為得生不？不也，世尊。若諸名色，都無所有為可施設，有諸識不？不也，世尊。是故慶喜，諸識皆以名色為緣，是名名色緣識。如是諸識，名色為緣、名色為依、名色為建立，故起等起，生等生，聚集出現，故名名色緣識。」（法蘊是論十一）

### 名色緣六處

「云何名色緣六處？謂有一類，為寒所逼，希求於暖，得暖故，便起身中暖俱大種，此中若暖，若暖俱大種，名為色，即彼所生受想行識，名為名，由此名色，眼耳鼻舌身意根，皆得增長，是名名色緣六處，為熱所逼，希求於冷，應知亦爾。復有一類，為飢所逼，希求於食，得好食故，便起身中食俱大種，此中若食，若食俱大種，名為名，即彼所生受想行識，名為名，由此名色，六根增長，是名名色緣六處，如是為渴所逼。為勞倦所逼，等應知亦爾。復次，教誨頗勒婁那經中，佛作是說，……如前說……爾時非理作意，俱生名色為緣，母胎藏中，六根生起，是名名色緣六處，……復有一類，由貪瞋痴纏縛心故，造身語意三種惡行，此中身語惡行，名為色，意惡行，名為名，由此惡行，名色為緣，身壞命終，墮於地獄，六根生起，是名名色緣六處，如說地獄、傍生、鬼界，應知亦爾。（六欲天、人趣等亦復如是）如是六處，名色為緣、名色為依、名色為建立，故起等起，生等生，聚集出現，故名名色緣六處。」（法蘊是論第十一）

「云何名色緣六入？緣搏食，現在眼根潤益增長，耳、鼻、舌、身、意根潤益增長，搏食謂色，由意生受想思能思惟謂名。如是緣現在名色生現在六入，是名名色緣現在六入。緣衣服、洗浴、調身，現在眼根潤益增長，耳鼻舌身意根潤益增長，衣服、

洗浴，調身，搏食謂色，由意生受想思能思惟爲名，如是現在名色生現在六入，是名名色緣現在六入，……復次，若人無慧無明未斷，作不善身口意行，不善身口之行謂色，不善意行，由意生受想思能思惟謂名，作不善名色已，身壞命終，生地獄、畜生、餓鬼，以因諸緣故，生地獄、畜生、餓鬼耳鼻舌身意根，如是現在名色緣未來六入（生人中、欲界天上，亦復如是。）……如佛說，六入有緣，名色緣六入，阿難，無一切名色者，有六入不？世尊，無也。（舍利弗阿毘曇論第十二）

### 名色緣觸

「云何名色緣觸？謂眼及色爲緣，生眼識，三和合故生觸。此中眼及色，名爲色，即彼所生受想行識，名爲名，如是名色爲緣生眼觸，是名名色爲緣觸，乃至意及法爲緣生意識，三和合故生觸，法中諸意識所了色，名爲色，即彼所生受想行識，名爲名，如是名色爲緣生意識，是名名色緣觸……復有一類，貪瞋痴纏縛心故，造身語意三種惡行，此中身語，名爲色，意惡行名爲名，此由惡行名色爲緣，身壞命終，墮於地獄，諸觸生起，是名名色緣觸（未來觸）如說地獄、傍生、鬼界，應知亦爾。……爲是諸觸名色爲緣、名色爲依、名色爲建立，故起等起，生等生，聚集出現，故名名色緣觸。」（法蘊是論第十二）

### 六處緣觸

「云何六處緣觸？爲眼及色爲緣生眼識，三和合故生觸，乃至意及法爲緣生意識，三和合故生觸，是名六處緣觸，此中眼爲內緣，色爲外緣生觸，乃至意及法爲緣生意識，三和合故生觸，此中意爲內緣，法爲外緣，生意觸，是名六處緣觸。……此中

眼、色、眼識，（意、法、意識）皆非是觸，由三和合故，而有觸生。是名六處緣觸。如是諸觸，六處爲緣、六處爲依、六處爲建立，起等起，生等生，聚集出現，故名六處緣觸。」（法蘊是論第十二）

「云何六入緣觸？六入緣二觸，身觸、心觸是名六入緣觸，復次，六入緣三觸，樂觸、苦觸、不苦不樂觸。是名六入緣觸，復次六入緣三觸，欲界繫觸、色界繫觸、無色界繫觸，是名六入緣觸，復次六入緣五觸，五受根相應觸，是名六入緣觸，復次六入緣七觸，眼耳鼻舌身意觸，是名六入緣觸，復次，六入緣七觸，眼識界相應觸，耳鼻舌身意界、意識界相應觸，是名六入緣觸。復次，六入緣十八觸，眼樂觸、苦觸，不苦不樂觸，是名六入緣觸，如佛說，觸有緣，六入緣觸，阿難，若無六入者，有觸不？世尊，無也。（舍利弗阿毘曇論第十二）

### 觸緣受

「云何觸緣受？」謂眼及色爲緣生眼識，三和合故生觸，觸爲緣生受。（乃至意法等亦如是）是名觸緣受。復次，三和合故生觸，或順樂受，或順苦受，或順不苦不樂受。順樂受觸爲緣生樂受，順苦受觸爲緣生苦受，順不苦不樂受觸爲緣，生不苦不樂受。乃至意及法爲緣生意識……亦如是，是名觸緣受。復次，如契經說「尊者慶喜，告瞿史羅長者言，眼界、色界、眼識界，自體各別，順樂受；爲緣生眼識，三和合故生觸，名順樂受觸，此順樂受觸爲緣生樂受，順苦受：爲緣生眼識，三和合故生觸，名順苦受觸。此順苦受觸爲緣生苦受，順不苦不樂受二爲緣……生不苦不樂受，餘五（耳鼻舌身意）三界，廣說亦爾。是名觸緣受。復次，大因緣經中，尊者慶喜問佛，諸受有緣不？佛言有緣，此

緣爲觸，廣說乃至若無眼觸，爲有眼觸爲緣生內樂受、苦受、不苦不樂受不？不也，世尊。乃至若無意觸，爲有意觸爲緣，生內樂受、苦受、不苦不樂受不？不也，世尊！若全無觸可施設，有諸受不？不也，世尊。是故慶喜，諸受無不以觸爲緣。是名觸緣受，如是諸受觸爲緣、觸爲依、觸爲建立、起等起、生等生、聚集出現，故名觸緣受。」（法蘊是論第十二）

「云何觸緣受？觸緣二受，身受、心受，是名觸緣受。復次，觸緣三受，樂受、苦受、不苦不樂受，是名觸緣受，乃至觸緣十八受。如上說，是名觸緣受。如佛說，阿難，受有緣，觸緣受，若無一切觸者有受不？世尊，無也。」（舍利弗阿毘曇論第十二）

### 受緣愛

「云何受緣愛？……三和合故生觸，觸爲緣故生受，受爲緣故生愛。……是名受緣愛。復次，眼味受爲緣故，數復於眼，隨順而住，由隨順故，數復於眼，起貪等貪，執藏防護，堅著愛染，乃至意味爲緣故，數復於意，隨順而住，由隨順故，數復於意，起貪等貪，執藏防護，恆著愛染，是名受緣愛。復次，取蘊經中佛作是說，苾芻當知，我於色味，已審尋思，諸有於色，或已起味，或今起味，我以正慧，審見審知，彼以色味受爲緣故，數復於色，隨順而住，由隨順故，數復於色，起貪等貪，執藏防護，恆著愛染，乃至於識味，（亦復如是）是名受緣愛。復次，取蘊經中世尊又說，苾芻當知，若諸色中都無味者，有情不應於色起染，以諸色中非都無味，是故有情於色起染，彼以色味受爲緣故，數復於色，隨順而住。由隨順故：數復於色，起貪等貪，執藏防護，恆著愛染，乃至若諸識中都無味者，有情不應於識起染，以諸識中非都無味，是故有情，於識起染，彼以識味受爲緣

故，數復於識，隨順而住，由隨順故，起貪等貪，執藏防護，恆著愛染，是名受緣愛。復次，於六處經中佛作是說，我於眼味已審尋思，諸有於眼，或已起味，或今起味，我以正慧，審知審見，彼以眼味受爲緣故，數復於眼，隨順而住，由隨順故，數復於眼，起貪等貪，執藏防護，恆著愛染，乃至耳鼻舌身意，亦復如是，是名受緣愛。……乃至若諸法中都無味者，有情不應於法起染，以諸法中非都無味，是故有情於法起染，彼於法味受爲緣故，數復於法，隨順而住，由隨順故，起貪等貪，執藏防護，恆著愛染，是名受緣愛。復次，佛爲大名離咕毘說，大名當知，若色一向是苦非樂，非樂所隨，非樂苦受之所纏執，應無有情爲求樂故，於諸色中起貪等染，煩惱纏縛，大名，以色非一向苦，彼亦是樂，是樂所隨，是樂喜受之所纏執，故有有情，爲求樂故，於諸色中，起貪起染，煩惱纏縛，彼以色味受爲緣故，轉數於色，隨順而住，由隨順故，數復於色、起貪等貪，執藏防護，恆著愛染……（識亦如是）是名受緣愛，復次，大因緣經（即長含大緣方便經）中，佛告慶喜，愛爲緣故求，求爲緣故得，得爲緣故集，集爲緣故著，著爲緣故貪，貪爲緣故慳，慳爲緣故攝受，攝受爲緣故防護，因防護故，執持刀杖，鬪訟諍競，誣詐虛誑，生無量惡不善法。佛告慶喜，執持刀杖，鬪訟諍競，誣詐虛誑，生無量不善法，皆因防護，防護爲緣，有如是事，防護若無，有此事不？阿難曰，不也，世尊。是故執持刀杖等事，防護爲由緒。防護爲因，防護爲集，防護爲緣，而得生起，如是防護，因於攝受，攝受爲緣，而有防護，攝受若無，有防護不？不也，世尊。是故防護攝受爲由緒，攝受爲因，攝受爲集，攝受爲緣，而有防護，攝受若無，有防護不？不也，世尊。……攝受爲緣，而得生起，廣說乃至如是諸求，皆因於愛，愛爲緣故，而有諸求，此愛若無，爲有求不？不也，世尊。是故諸求，愛爲其因，愛爲其集，愛爲其緣而得生起。慶喜當知，愛有二種，一者欲愛，二者



有愛，此二種愛，依受而有，若無受者，二愛亦無，是名受緣愛，如是諸愛，受爲緣、受爲依、受爲建立，故起等起。生等生。聚集出現，故名受緣愛。」（法蘊是論第十二）

「云何受緣愛？緣眼觸樂受，生眼觸樂受，彼觸眼觸樂受已，彼眼觸樂受喜樂愛著堪忍住，是名受緣愛，復次，緣眼觸樂受，生眼觸樂受，彼眼觸樂受已，於異眼觸樂受希望，若相似，若勝妙，是名受緣愛，樂受彼眼觸樂受已，於眼觸不苦不樂受希望，是名受緣愛。復次，緣眼觸苦受，生眼觸苦受，彼觸眼觸苦受已，於眼觸樂受希望，是名受緣愛。復次，於眼觸苦受已，希望令我斷壞無餘，是名受緣愛。復次，於眼觸苦受已，於眼觸不苦不樂受希望，是名受緣愛。復次，若眼觸不苦不樂受已，於眼觸樂受希望，是名受緣愛，耳鼻舌身意，亦如是說。如佛說：阿難，愛有緣，受緣愛，若無一切受者有愛不？世尊，無也。（舍利弗阿毘曇論第十二）

### 愛緣取

「云何愛緣取？謂彼初生，說名爲愛，愛增盛位，轉名爲取，謂如有一於諸欲境，繫心觀察，起欲貪纏，彼從此纏，復起餘纏，增上轉增上，猛利轉猛利，圓滿轉圓滿，前所起纏，名爲愛，後所起纏，名爲取。是名愛緣取，復如有一於諸色境或無色境，繫心觀察，起色貪纏或無色貪纏，彼從此纏，復起餘增上纏，轉增上。猛利轉猛利，圓滿轉圓滿，前所起纏，說名爲愛，後所起纏，轉名爲取，是名愛緣取……復次一切四取，皆以愛爲緣，用愛爲集，是愛種類，從愛而生。何等四取？一、欲取；二、見取；三、戒禁取；四、我語取。云何欲取？謂欲界繫，除諸見餘結縛隨眠煩惱纏。是名欲取。云何見取？謂有身見、邊執見、邪見、見取。如是四見是名見取，云何戒禁取？謂有一類取

戒、取禁、取戒禁，爲能清淨、能解脫、能超苦樂、能出離，至超苦樂處。是名戒禁取。云何我語取？謂色、無色界繫，除諸見餘結縛隨眠煩惱纏，是名我語取。復次，大因緣中，尊者慶喜問佛，諸取皆以愛爲其緣，是名愛緣取，如是諸愛爲緣、愛爲依，愛爲建立，故起等起，生等生，聚集出現，故名愛緣取。」（法蘊是論第十二）

「云何愛緣取？愛未斷愛欲取、見取、戒取、我取、是名愛緣取。云何欲取？除欲界愛初觸，若餘欲界愛廣，是名欲取，云何見取？除戒取，若餘見取。云何戒取？戒道是名戒取。云何我取？除色、無色界愛初觸，若餘色、無色界愛廣，是名我取。云何欲界取？除欲界愛初觸見取、戒取、若餘欲界煩惱是名欲取。云何見取？六十二見及邪見，是名見取，云何戒取？戒淨、道淨二俱淨解脫無餘盡苦邊，若於彼堪忍欲愛，戒爲身口戒，道謂邪緣求吉，養髮、入水、事火、事日月、牛行、鹿行、狗行、嘿行、求力行、求大人行、種種苦行。及餘邪吉、是名道，若彼戒此道，求覓、重求覓、究竟求覓，齋是謂淨，謂解脫，謂戒淨，謂我解脫、謂聖、謂阿羅漢、謂涅槃。若於彼欲重欲、究竟欲堪忍，是名戒取、云何我取？除色、無色界、初觸愛、戒取、見取、若餘色、無色界煩惱、名我取。如佛說：取有緣、愛緣取、阿難，若無一切愛者，有取不？世尊，無也。」（舍利弗阿毘曇論第十二）

### 取緣有

「云何取緣有？謂取爲緣，施設多有，謂佛或說三界、五蘊名有，或說能感後有業名有，或說生分五蘊名有。云何說三界五蘊名有？如說三有，謂欲有、色有、無色有。云何說能感後有業名有？如世尊告阿難言，若業能感後有名有，云何說生分五蘊名

有。如世尊告頗勒婁那，識爲食故，後有生起。復次，大因緣經中，尊者慶喜問佛，諸有爲有緣不？佛言有緣，此緣爲取，廣說乃至若全無取可施設有諸有不？不也，世尊。是故慶喜，諸有皆以取爲其緣，是名取緣有。如是諸有取爲緣、取爲依、取爲建立，故起等起、生等生、聚集出現，故名取緣有。」（法蘊是論第十二）

「云何取緣有？欲取、見取、戒取、我取緣未斷，若作欲行、色行、無色行有報身口意業，是名取緣有。取緣三有，欲有、色有、無色有。云何欲有？或欲有即業有，或欲有即生有。云何欲有即業有？欲行未竟、未知、未斷，若作欲行有報身口意業，是名欲有即業有。云何欲有即生有？若作業成就已，欲界天上受五種我分身，色受想行識，是名欲有即生有，此謂受有、此謂報有、此謂復有，如是欲行業有，如是欲行生有，是名欲有。云何色有？二種色有，或色有即業有，或色有即生有。云何色有即業有？色行未竟、未知、未斷，若作色行有報身口意業，是名色有即業有。云何色有即生有？若作業成就已，色界天上若受五種我分，色受想行識，是名色有即生有，此謂受有、此謂報有、此謂復有，如是色行業有，如是色行生有，是名色有。云何無色有？二種無色有，或無色有即業有，或無色有即生有。云何無色有即業有？無色行未竟、未知、未斷，若作無色行有報身口意業，名無色有即業有。云何無色有即生有？若作業成就已，無色界天上受四種我分身，受想行識，是名無色有即生有。此謂受有、此謂報有、此謂復有。如是無色行生有，是名無色有。如佛說，阿難，有有緣、有緣取，阿難，若無一切取者有有不？世尊，無也。」（舍利弗阿毘曇論第十二）

「佛告頗求那，我不說有有者，我若說有有者，汝應問言爲誰有？汝今應問何緣故有有？我應答言：緣取故有有，能招當來有觸生，是名有。有六入處，六入處緣觸，觸緣受、受緣愛、愛

緣取、取緣有、有緣生、生緣老死憂悲惱苦，如是純大苦聚集。謂六入處滅，則觸滅，觸滅、則受滅、受滅、則愛滅、愛滅、則取滅、取滅、則有滅、有滅、則生滅、生滅、則老病死憂悲惱苦滅。」（什含卷十五頗求那經）

### 有緣生

「緣有生者，云何爲生？若彼彼衆生，彼彼身種類生，超越和合出生，得陰、得界、得入處、得命根是名爲生。」（什含卷十二「法說義說經」）

「云何有緣生？若諸衆生衆中生、重生、住胎、出胎得生，陰俱諸入，衆和合，是名生。如佛說，阿難，生有緣，有緣生，阿難，若無一切有者有生不？世尊，無也。」（舍利弗阿毘曇論卷十二）

「云何有緣生？謂有一類，由貪瞋痴纏縛心故，造身語意三種惡行，此三惡行，說名業有，由此因緣身壞命終，墮於地獄，於彼諸生等生，趣入出現，蘊得、界得、處得，諸蘊生命根起，說名生，此生緣有故起，是名有緣生。如說地獄、傍生、鬼界、應知亦爾。復有一類，於人趣樂，繫心希求，彼作是念，願我當生人趣同分，與諸人衆，同受快樂，因此希求，造能感人趣身語意妙行，此之妙行，說名業有，由此因緣，身壞名終，生於人趣衆同分中，於彼諸生等生，乃至命根起，說名生。此生緣有故起，是名有緣生，如界人趣四大王衆天乃至他化自在天，應知亦爾。……復次，大因緣經中慶喜問佛，諸生有緣不？佛言有緣，此緣謂有，……如是諸生有爲緣、有爲依、有爲建立，起等起，生等生，聚集出現，故名有緣生。」（法蘊是論第十二）

### 生緣老死……

「云何生緣老死？謂彼彼有情，即於彼彼有情聚中，諸生等生，趣入出現，蘊得、界得、處得，諸蘊生命根起，說名生。髮落髮白，皮緩面皺，身曲背偻，喘息逾急，扶杖而行，肢體斑黑，衰退闇鈍，根熟變壞，諸行故敗，朽壞羸損，說名老，彼彼有情聚，移轉壞沒，退失別離，壽暖識滅，命根不轉，諸蘊破壞，夭喪殞逝，說名死，緣生故起，是名生緣老死。復次，大因緣經中，尊者慶喜問佛，老死有緣不？佛言有緣，此緣為生，廣說乃至若無有生……有老死不？不也，世尊。若全無生，為有施設老死不？不也，世尊。是故老死皆以生為其緣，是名生緣老死，如是老死生為緣，生為依，生為建立，起等起，生等生，聚集出現，故名生緣老死。云何發生愁歎苦憂擾惱？謂有一類，或因父母兄弟姊妹師友死故，或因親族滅亡都盡，或因財位喪失，便發自身猛利剛擴切心奪命辛楚苦受，彼於爾時，心熱等熱，內熱遍熱，便發於愁，已愁當愁心中愁箭，說名愁。復有一類，由上述愁故，而傷歎言，苦哉苦哉，我父我母，廣說乃至我財我位，如何一旦忽至於此？其中所有傷怨言詞，種種語業，說名歎，五識相應，不平等受，說名苦，意識相應，不平等受，說名憂，諸心擾惱，已擾惱，當擾惱，擾惱性，擾惱類，說名擾惱。於老死位，發生如是種種愁歎苦憂擾惱。云何如是便集純大苦蘊？謂於如是老死位中，積集一類大災、大橫、具大過患眾苦蘊聚。復次，無明苦蘊為緣，起行苦蘊，行苦蘊為緣，起識苦蘊，識苦蘊為緣，起名色苦蘊，名色苦蘊為緣，起六處苦蘊。六處苦蘊為緣，起觸苦蘊，觸苦蘊為緣，起受苦蘊，受苦蘊為緣，起愛苦蘊，愛苦蘊為緣，起取苦蘊，取苦蘊為緣，起有苦蘊，有苦蘊為緣，起生苦蘊，生苦蘊為緣，起老死苦蘊，由老死故，發生種種愁歎苦憂擾惱苦蘊，故總說言：如是便集純大苦蘊。（阿毘達磨法蘊是論第十二）

(完)

（上接第19頁「華僑與菲律賓佛教」）

⑧「廈門文史資料」第七輯（選輯）103頁「泉州文史資料第六輯（選輯）58頁

⑨柯建瑞：「泉州佛教與海外關係拾零」法音 1988年六期

⑩蔡金鎗、劉梅生：「性公老法師菲島拓荒記」

「性願法師紀念集」272頁

⑪蘇秋濤：「泉州佛教記述」泉州文史資料第八輯

「法音」1988年六期

⑫「性願法師年譜」菲律賓華藏寺編印郭公惠。

⑬柯建瑞：「泉州佛教與海外關係」法音 1988年六期

「廈門文史資料」第七期

⑭⑮郭公惠：「性願法師年譜」菲律賓華藏寺版10-16頁

⑯蔡孝煖：「從種因緣贊性願上人」282-289頁

⑰蔡金鎗、劉梅生、性公菲島拓荒記」272頁

⑱廖賢識：「二十年來的華藏寺」性願法師紀念集」173頁

⑲陳明德：「性願法師後十五年來的華藏寺」性願法師紀念集」160頁

「法音」1988年第六期

⑳㉑「性願法師紀念集」英文部，菲律賓華藏寺版1-34頁

㉒陳呈芳：「泉州承天寺述聞」泉州文史資料」第十七輯150-161頁

㉓「泉州佛教記述」泉州文史資料」第八輯「泉州承天寺述聞」泉州文史資料」第十七輯

泉州文史資料」第十七輯

㉔蘇秋濤：「泉州佛教記述」，泉州文史資料」第八輯

㉕「廈門文史資料」第六輯覽星「廈門南普陀寺名利介紹」

㉖「泉州文史資料」第八輯30-36頁「廈門文史資料」第六輯58-86頁

㉗星洲達明「追憶性願法師」性願法師紀念集」128頁

㉘「廈門文史資料」第七輯103-107頁郭公惠：「性願法師傳略」

3-9頁